

## **Met d'r Trumm, met d'r Tröt, met d'r Vijeling...**

**Ref.: Met d'r Trumm, met d'r Tröt, met d'r Vijeling  
spelle mer für üch schon 100 Johre he am Ring.  
100 Jahr sin mer schon alt,  
han immer noch vill Spass,  
met d'r Trumm, met d'r Tröt un och mem Kontrabass.**

Mach d'r ens ne schöne Owend, jon in et Konzert  
zum Beethovenorchester, Mensch dat es doch nit verkehrt.  
Live – Musik met 100 Mann, wo jit et sujet noch?  
Für Jroß un Klein, für Alt un Jung, zweimol in d'r Woch

**Ref.: Met d'r Trumm...**

Unser Saal es nit e su doll  
doch mer machen uns nix druss.  
Wenn mer op Tournee sin, kling et schöner wie zo Hus.  
Nur noch e paar Jöhrche, dann kütt för ons he hin  
de Beethovenphilharmonie et Fesspillhus am Ring

**Ref.: Met d'r Trumm...**

Schostakowitsch wor op unsrem Spillplan dominant.  
All sing Sinfonien han mer op CD jebrannt.  
Renomierte Kritiker, die fanden ons janz doll  
Jetz han de Lück vun dä musik de Nas jestreche voll

**Ref.: Met d'r Trumm**

Em janze Land wed vill jespart, die Kämmerer sin stur.  
Die han jo kaum noch Jröschelsche, noch nit ens für Kultur  
Doch Jungens överlät et üch, wat op dat Spill ihr stellt:  
Für unsere Musikkultur bewundert uns die Welt

**Ref.: Met d'r Trumm...**

Die Musiker sin jeck jewode wie et sich jehührt  
100 Jahr hät et jeduert bis mer dat kapiert.  
Em Himmel unser Ludwig hält für Lache sich der Buch,  
un schweb op unsre Ware erav am Rosemondachszoeh.

**Ref.: Met d'r Trumm...**

**Text u. Melodie Volker Kriegsmann**

**Arrangement: Andreas van Zoelen**